

Iruñeko seminarioko gose grebalarien egoera «kritikoa» dela diote medikuek

Fernando Sebastian artzapezpikuaren erreparaoak «onartezinak» iruditu zaizkie

Euskal resoan sakabanaketaren aurkako gose grebak aurrera jarraitzen du Iruñeko seminarioan eta Espainiako eta Frantziako kartzeletan. Iruñeko sei gose grebalarik 38. eguna beteko dute gaur baraurik eta, aztertu dituzten medikuek atzo azaldu zutenenez, haien egoera «kritikoa» da.

A.Unanue / Iruñea

IRUÑEKO seminarioan diren sei gose grebalariek baraurik segitzeko asmoa agertu zuten atzo, «gose greba hasiera bultzatu gintuen arrazoiak, sakabanaketak, bere horretan jarraitzen duela». Maite Zudaire medikuak jakinarazi zuenez, gose grebalariek hamahirutik hemeretzi kilora bitartean galdu dituzte; tentsioa oso baxua dute eta horrek zorabioak eragiten dizkie; azken egunotan areagotu egin zaie goragalea, behazuna botatzen dute, eta batzuek bihotz arritmiak izan dituzte.


Beste bi gose grebalariek, Idoia Alkorta tolosarrak eta Lorena Somoza bilbotarrak, herenegun utzi zuten protesta. Biak Nafarroako Ospitalean daude ingesatuta eta, bertako iturriek azaldu zutenenez, haien osasunak hobera egin du.

Gose grebalariek ez zuten prentsurrekoan agertzerik izan atzo, Fernando Sebastian artzapezpikuak ez zela prentsurrekoan barruan egiteko baimenik eman, eta beraiek ahulegiak daudelako kanpora ateratzeko. Gose grebalarien izean Ester Lakasta mintzatu zen. Lakastak gogor kritikatu zuen Sebastianek bezperan izandako jokaera. Artzapezpikuak bisita egin zien gose grebalariei, eta ondoren «okupaziotzat» jo zuen seminarioko protestaldia. Gainera, esan zuen ezin duela euskal presoak Euskal Herriratzeko eskaerarekin bat egin, «anbigua» delako.

«Kartzeletako egoera ez da anbigua, krudela baizik», erantzun zion Lakastak artzapezpikuari. Gose grebalarien bozeramailearen iritziz, Sebastianen erreparaoak «onartezinak eta ulertezinak dira, are gehiago kontuan izanda Mayor Oreja Barne ministroa Iruñean egon zenean artzapezpikuak ez zuela inolako erreparorik izan haren hitzak txalotzeko». Ester Lakastak adierazi zuenez, Sebastianek ez luke halako erreparorik izan behar legeak berak agintzen duena bete dezaten eskatzeko. Seminarioaren «okupazioari» dagokionez, gose grebalariek modu baketsuan sartu zirela eta bertako langileek harrera ona egin zietela aipatu zuen baita ere.

Presoak ere gose greban • Martxoaren 13an gose greba hasi zuten hogeita bost presoetatik bik, Fernando del Olmo bilbotarrak eta Jesus Mari Mendinueta arbizuarrek, utzi egin behar izan dute osasun arazoengatik. Espainiako eta Frantziako espetxeetan sakanabaketa politikaren kontra protestatzeko gose greban jarraitzen duten presoek sei kilotik zortzira bitartean galdu dituzte, eta ahulezia nabaritzen hasi dira.

Idoia Lopez Riaño, Frantziako espetxeratuta dagoen ustezko etakidea, kartzelaz aldatu dute berriro. Senideak elkarteak jakinarazi duenez, Fresnesko espetxetik Bapaumera eraman dute. Lopez Riañori C hepatitisa diagnostikatu zioten duela gutxi, Senideek azaldu dutenez.



Gose grebalarien bozeramaileak eta medikuak, atzoko prentsurrekoan.

JOXE LACALLE

Euskal presoak duela hilabete batzuk baino urrutiago daude

SENIDEK eskaintako datuen arabera, euskal presoak duela hilabete batzuk baino urrutiago daude gaur egun. 1996ko uztailan ETAko 33 preso zuden Euskal Herriko kartzeletan, eta aurtengo otsailan 26. Euskal Herriatik 400 kilometro baino gutxiagora 110 preso zuden iaz; orain 51 besterik ez. Denbora horretan handitu egin da 400 kilometrotik 800 kilometrora bitarteko kartzeletan dauden euskal presoek kopurua: lehen 234 zuden, eta orain 275.

Pili Errok, Kanarietako kartzelan dagoen euskal preso baten senideak, sakabanaketaren ondorioak azaldu zituen atzo prentsurrekoan. Errok esan zuenez, duela hamar urte sakabanaketa politika hasi zenetik euskal presoek 360 eraso baino gehiago izan dituzte espetxeetako funtzionarioen aldetik. Iaz 597 preso eraman zituzten kartzela batetik bestera, askotan aldezturik abisatu gabe, eta preso baten senideak hamabi egun egon ziren nora eraman zuten ez zekitelako. Azken urteotan hamaika preso hil dira kartzelan. Beste 125 presoek kalean egon beharko lukete, behin-behineko askatasunean, ezarri zieten kartzela zigorraren hiru laurdenak dagoeneko beteak dituztelako. Fran Franko, Kiti Arizabalaga eta Santi Diez presoek gaixotasun sendaezinak dituzte, baina kartzelan jarraitzen dute.

Sakanabaketa sendiei oso garesti ateratzen zaiela nabarmendu zuen Errok, presoak urruti daudenez astero bidaia luzeak egin behar dituzte, eta «horrek arrisku handiak dakartza, azken kasua Antonia Hernandezen heriotza auto istripuan izan da». Senideen ustez, «sofimendu hau guztia» nabarmen arinduko litzateke agintariek beren legeak errespetatu eta euskal presoak Euskal Herria ekarriko balituzte. X

Nafarroa-EAE harremanez erreferenduma egitearen alde daude nafar gehienak

Inkesta baten arabera, UPNko eta PSNko botoemaileak ere horren aldekoak dira

A.Unanue / Iruñea

VOX PUBLICA Madrilgo enpresak Elkarri-rentzat egin duen inkesta baten arabera, nafar gehienek (% 64,5) ongi iruditzen zaie Nafarroaren eta EAEn arteko harremanak areagotzea, eta harreman iraunkorrak arautzeko bi gobernuak akordioaren bat sinatzea, betiere Nafarroaren autonomia errespetatuz. Nafar gehienek (% 59) uste dute beraiek dagokiela EAEn zer-nolako harremanak eduki behar dituzten erabakitzea, eta horretarako komenigarria iruditzen zaie erreferenduma egitea.

Vox Publicaren inkesta martxoaren erdi aldera Nafarroako 1.202 herritarri egindako bana-

kako elkarrizketetan oinarritzen da. Aipatu inkestan agerienez, UPNko eta PSNko botoemaile gehienak ere EAEn harreman iraunkorrak izatearen eta erreferenduma egitearen alde daude. UPNko botoemaileen % 46ri komenigarria iruditzen zaie erreferenduma egitea, eta beste % 16ri oso komenigarria. PSNko botoemaileek antzeko iritzia dute. Gainontzeko alderdietako botoemaileen artean erreferenduma aldekoez portzentaia dezentetua da, batez ere alderdi abertzaleetan.

UPNko eta PSNko hautesleen jarrera ez dator bat alderdi horien jarrera ofizialarekin. Victor Manuel Arbeloa PSNko gestorako lehendakariak azaldu

duenez, erreferenduma egiteko eskaerak ez du «ez hanka ez buru». Santiago Cervera UPNko agintariak ere gogor kritikatu du Elkarri-ren proposamena, eta akordioaren aldeko mugimenduak arazoak «asmatu» egiten dituela esan du.

Erreferendumaren ideia besterik gabe arbuatu beharrean, proposamena astiro aztertu eta gogoeta egiteko eskatu zuten atzo Bittor Aierdi Elkarri-ko bozeramaileak UPNri eta PSNri. Aierdiren arabera, Vox Publicaren inkestak agerian utzi du Nafarroako herritarrek agintariak baino «zentzuzkoagoak» direla, eta Nafarroako gizartearen adostasun zabalagoa EAEn harremanez. Gainera, alderdi politi-



Josu Urrea, Bittor Aierdi eta Patxi Laborda, Elkarri-ko Tailer Nazionalekoak.

JOXE LACALLE

koak eta herritarrek gai guztietan ados ez direla egoten nabarmendu zuen, eta NATOren erreferendumean gertatutakoa gogoratu zuen.

Elkarri-k Parlamentuan agertzeko eskaera egin zuen larunba-

tean, talde parlamentario guztiei aurkeztu nahi baitie Nafarroa-EAE harremanez erreferenduma egiteko proposamena. Parlamentuko Mahaiak apirilaren 7an aztertuko du Elkarri-ren eskaera. X